

# Returnà ils altars engulads ord laatedrala a Cuira

L'engaschi da carabinieri talians per als chattar vegn reconuschì

■ (anr) 1993 èn plirs altars da laatedrala a Cuira vegnids engulads. Tant las instanzas ecclesiasticas sco statalas e polizialas èn s'engaschadas fitg per chattar quests custaiVELS bains sacralS. Da Pasca 1998 èn quels vegnids chattads en la regiun da Ferrara en l'Italia. Ils dus laders principals eran dentant già morts. Ch'igl è reussi da pudair returnar ils altars rubads – bain en in stadi zunt nausch – è d'engraziar al comando spezial da la partiziun da schurmetg d'art dals carabinieri talians. Quai è succedi era en stretga collavuraziun cun la polizia criminala dal Grischun.

Per reconuscher questas stentas è ina delegaziun dals carabinieri spezialisads vegnida envidada a Cuira. Cun la surdada d'in diplom èn lur lavur e merits per quai chat vegnids reconuschids publicamain. In retschivement en il chastè episcopal a Cuira – ell'ensaina da reconuschientscha – è stà il punct culminant da quest act d'engraziament.

## Igl ha durà onns

Avant tshintg onns n'èn betg main che trais custaiVELS altars vegnids engulads ord laatedrala a Cuira. Sut l'egida da l'anterior president da la cumissiun administrativa dal Corpus Catholicum (Baselgia catolica chantunala), *Theo Portmann*, èn ins sa

mess immediat a la tschertga dals bains sparids. Al chattader è vegnì offerì in importo da 100 000 francs. Questa summa è vegnida messa a disposiziun da la Baselgia chantunala, da la diocesa, da la segiranza e da la plaiv catolica da Cuira. Era en l'emissiun «Aktenzeichen XY» è il cass vegnì preschentà.

I ha durà ditg. Ma ins ha tuttina gi gronda fortuna. Gist avant che ils custaiVELS bains vegnian destruids, èsi stà pussaivel d'als chattar en la regiun da Ferrara. Ils dus laders eran dentant già morts – l'in da cancer e l'auter da Sida/Aids. A Roma èn ils bains chattads vegnids deponids. Che quai chat è stà pussaivel è il grond merit dal comando dals «Carabinieri Tutela Patrimonio Artistico» dal ministeri da cultura ed ambient da l'Italia. A chaschun d'ina conferenza da pressa internaziunala a Roma ha il guvern talian surdà ils bains chattads al pievel grischun ed als possessurs. Silsuenter èn els vegnids transportads (repatriads) a Cuira.

## Act da reconuschientscha

En engraziavladad per quests buns servetschs han las autoritads ecclesiasticas e statalas dal Grischun envidà ina delegaziun da quater carabinieri – cul cumandant maior *Ferdinando Musella*, Roma – en la chapitala grischuna. Glindesdi e mardi han

els passentà en noss chantun. Glindesdi saira – suenter ch'il vicari general e custos da laatedrala, canoni *Vitus Huonder*, ha fatg bainvegni, ha cusseglier guvernativ *Joachim Caluori* surdà sco segn d'engraziament in document uffizial, signà da l'uestg, dal chau dal departament chantunal da cultura e dal Corpus Catholicum. Il tgrader chantunal da monuments, *Hans Rutishauser*, ha savì bun grà per il chat. Mardi avantmezdi ha l'uestg *Amédée Grab* retschavi en sia residenza ils meritaivels hosps da l'Italia ed exprimi ad els, a la polizia ed a las instituziuns statalas ed ecclesiasticas dal Grischun sia gronda reconuschientscha per tut lur stentas da puspè chattar quests prezius bains sacralS. Fitg meritaivel persuenter è Theo Portmann sa fatg.

## Tge succeda ussa culs altars chattats?

Enconuschemain sa chattan ils altars returnads en in zunt nausch stadi. Els ston perquai vegnir renovads. Sche laatedrala vegnia restaurada proximamain, succedia quai parallelmain. N'è quai betg il cas, vegnian ils altars renovads tant pli spert e puspè deponids en lur lieus en laatedrala. Mintga cas vegn igl anc a durar in pulit temp fin ch'ins als po admirar danovamain en laatedrala.



Maior Ferdinando Musella, Theo Portmann ed uestg Amédée Grab. ANR